



**Ketua Eksekutif/Pengarah/Pengurus
Penyedia Latihan Berdaftar Dengan PTPK**

PEKELILING KETUA EKSEKUTIF BILANGAN 3 TAHUN 2025

**PELAKSANAAN PENDAFTARAN PELATIH SECARA DALAM
TALIAN SERTA PENGAGIHAN DANA BERDASARKAN
KRITERIA PROGRAM TAHUN 2026
PERBADANAN TABUNG PEMBANGUNAN KEMAHIRAN
KEMENTERIAN SUMBER MANUSIA**

1. TUJUAN

1.1 Pekeliling ini dikeluarkan bagi memaklumkan pelaksanaan pendaftaran pelatih secara dalam talian serta pengagihan dana berdasarkan kriteria program bermula tahun 2026 bagi pinjaman dan pembiayaan latihan kemahiran yang dibiayai oleh Perbadanan Tabung Pembangunan Kemahiran (PTPK).

2. LATAR BELAKANG

2.1 Selaras dengan keputusan Mesyuarat Jawatankuasa Pendaftaran dan Agihan Bilangan 14 Tahun 2025, Jawatankuasa telah bersetuju untuk melaksanakan pendaftaran pelatih secara dalam talian serta pengagihan dana berdasarkan kriteria program bermula tahun 2026 seperti yang ditetapkan oleh PTPK.

3. PELAKSANAAN

3.1 Pendaftaran permohonan pelatih secara dalam talian bermula tahun 2026 akan

dilaksanakan mengikut empat (4) sesi. Setiap sesi dibuka selama dua (2) bulan, diikuti tempoh penutupan selama satu (1) bulan bagi membolehkan pemantauan penghantaran dokumen pelatih serta penyelesaian pembayaran sebelum sesi seterusnya dibuka.

3.2 Tarikh pembukaan pendaftaran permohonan pelatih secara dalam talian adalah selaras dengan tarikh pembukaan pendaftaran pelatih yang dilaksanakan oleh Jabatan Pembangunan Kemahiran (JPK). Butiran sesi pendaftaran permohonan pelatih adalah seperti dalam **Jadual 1**;

Jadual 1 : Sesi Pendaftaran Permohonan Pelatih Secara Dalam Talian

SESI	TARIKH BUKA	TARIKH TUTUP
PERTAMA (<i>Januari / Februari</i>)	9 Januari	28 Februari
KEDUA (<i>April / Mei</i>)	1 April	31 Mei
KETIGA (<i>Julai / Ogos</i>)	1 Julai	31 Ogos
KEEMPAT (<i>Oktober/ November</i>)	1 Oktober	30 November

3.3 Pengagihan peruntukan adalah berdasarkan konsep terbuka dan ***first come first serve*** serta tertakluk kepada had dana awal yang disediakan. Kapasiti setiap program adalah berdasarkan kapasiti yang ditetapkan oleh JPK bagi setiap program yang diluluskan oleh PTPK dan masih terpakai bagi agihan dana. Pengagihan dana mengikut kriteria program bermula tahun 2026 adalah seperti di **Jadual 2**:

Jadual 2 : Agihan Dana Mengikut Kriteria Program

BIL	KRITERIA PROGRAM	AGIHAN DANA
1.	Impak Tinggi	i. Yuran Latihan penuh. ii. Kos Sara Hidup (KSH) sehingga RM800 sebulan. iii. Kos Pengangkutan sebanyak RM1,000 (Sabah & Sarawak) dan RM500 (Semenanjung). iv. Kos Komputer sebanyak RM2,500 untuk Tahap 4 & 5 dan Tahap 3 untuk kursus IT. v. Peruntukan 50% daripada Dana Pinjaman. vi. Prestasi Bayaran Balik adalah 25%.
2.	Impak Sederhana	i. Yuran Latihan penuh. ii. Kos Sara Hidup (KSH) sehingga RM400 sebulan. iii. Tiada Kos Pengangkutan. iv. Tiada Kos Komputer. v. Peruntukan 40% daripada Dana Pinjaman. vi. Prestasi Bayaran Balik adalah 25%.
3.	Impak Rendah	i. Yuran Latihan penuh. ii. Tiada Kos Sara Hidup (KSH). iii. Tiada Kos Pengangkutan. iv. Tiada Kos Komputer. v. Peruntukan 10% daripada Dana Pinjaman. vi. Prestasi Bayaran Balik adalah 25%.
4.	Tiada Impak	Tiada Pembiayaan.

4. TANGGUNGJAWAB

4.1 Semua Penyedia Latihan berdaftar dikehendaki menyemak status kategori program masing-masing seperti yang dinyatakan dalam Pekeliling Ketua Eksekutif Bilangan 2 Tahun 2025. Permohonan baharu bagi pembiayaan pelajar hanya boleh dikemukakan untuk program yang tergolong dalam kategori layak menerima pembiayaan.

5. TARIKH KUAT KUASA

5.1 Pekeliling Ketua Eksekutif ini berkuat kuasa mulai 1 Januari 2026.


6. PEMAKAIAN

6.1 Pekeliling ini terpakai kepada semua Penyedia Latihan Kemahiran Awam dan Swasta yang berdaftar serta mendapat kelulusan daripada PTPK.

Sekian, terima kasih.

"MALAYSIA MADANI"
"BERKHIDMAT UNTUK NEGARA"
"Pekerja Kesuma Bangsa"

Saya yang menandatangani amanah,



(MOHD FATHULLAH BIN MUSTAFA)
Ketua Eksekutif
Perbadanan Tabung Pembangunan Kemahiran

Tarikh : **24** Disember 2025